

玉山縣志卷三十二

雜記

載籍有可與正志相參證而未可入正志者則繫之正志後易曰物相雜故曰文又曰其稱名也雜而不越文固有以雜爲義者自星野以下藝文以上以次爲序不拘時代雖雜而不失其倫焉非徒以博異聞而無義法可尋也若夫稗官野史語近荒誕采擇固有必精然存郭公以闕疑記隕石以誌變春秋之義亦在所不廢志

雜記

唐賈耽華夷圖云其山上干天際勢連北斗又名玉斗山此王奕居懷玉所由以斗山號也北斗第四星爲吳分南斗第四星主豫章史家占驗之度非懷玉一山所能獨當

識

玉山縣志

卷三十二

雜記

一

小錄

未有信州割饒地爲衢縣旣立信州移衢縣爲信屬玉山全境古弋陽地爲多須江地次之常山地又次之從來言沿草者多欠明晰

全上

雙峯山在招善鄉周家源峯下饒魯舊址尚存唐魏子考異據朱公遷傳遷之學其本師廣信饒魯號雙峯因謂餘干有雙峯墓無雙峯山斷魯爲玉山人以周家源山爲號是時玉山屬江東道信州安得有廣信名魏子不駁作傳之誤而反據以爲魯居玉山之左證殆未免輕信異說柯話玉山縣有二溪名上干下干流至饒之東南兩水廻環因以

名餘干

宋劉昌詩蘆浦筆記

按寰宇記古弋陽爲餘汗地汗讀如干嚴助傳越欲爲

變必先田餘干界中故地曰干越縣曰餘干對上干言也昌詩說與樂史同玉山卽餘汗之極東境故上于溪得名最古而下干又因上干爲稱總爲金沙溪一水又按失名方輿類纂段長基歷代沿革表明一統志皆不及

大清一統志表洪亮吉乾隆府廳州縣圖志之精蓋廣信七邑皆漢餘汗地獨玉山據唐乾元前置縣屬衢因以太末地當之其實金沙溪以東爲太末金沙溪以西爲餘汗玉山全邑太末四之一餘汗四之三也

懷玉樵蘇人往往見長松森羅泉石幽麗前望若有宮苑林樹掩映松門之上有巨藤橫亘掛大鐘可長丈餘去地又若十丈明日又非向時所在鐘與松門則無異狀

南唐金

## 玉山縣志

### 卷三十二

雜記

二

華子雜編

按劉崇遠謂顧况著作集中載松鐘所在卽貴溪弋陽封疆之間此則崇遠宰上饒時親聞之玉山民秀頻者玉虹橋落成觀察李公根雲莅玉與守令坐橋畔忽歎息曰文公懷玉書院久被僧踞諸君能無意乎言未旣山僧慶誠來告願棄寺與田復書院公使闈人延以入僧曰以佛法見乎抑官法見乎公曰我儒者也慶誠茲舉墨名而儒行可依士相見禮僧大欣悅遂上其籍興復懷玉書院

李公爲首庸至今學者尸祝之

魯鴻五雲館錄

玉瑯峯之原四圍多迴谿幽巖獵者偶得獸來餽黃身似麕銳喙而修尾曰麕也重四十觔量酬之直以剝以烹諸生同餉而甘之獨遺其元察額角間微有異者撥視之則更

有兩目出目上睛殊黑光作作然埤雅淮南子曰孕婦見麋而子四目類從所謂目下有數夜卽能視者是也然不云目上麋亦非脩尾

趙佑清獻堂集

朱世榮年四十無子友人童其勅勸買妾笑而不答六月夜二人同宿懷玉書院世榮足冷如水其勅怪問之答曰吾病痿已十年君前勸我買妾榮而不答者爲此也翼日山佃以黃蛤餉食之甘因連餉之氣體覺異常夜夢懷玉山人來告曰吾錫爾子果連舉二子黃蛤卽蛤蚧本草綱目載之甚詳今山中不可得

五雲館錄

南唐令文逸以玉有鎮兵難以控制莫若先明甲令明知縣汪杞欲鑿橋溪以通漕昧於地勢無若改漕江西此二者可識政體之要

識小錄

玉山縣志

卷三十二

雜記

三

曾侍御夜談曰予之至玉山也蓋遇粵寇云粵兵屯玉山者六日家掠戶殘會有嫁其女於人者其夕將遣而粵兵聞其有女而遣也則持刀闢門舁其女以去其他闕有少婦輒舁之而又囑之曰塗問爲誰則曰兵所攜來粵婦也有敢言狀者殺而輿中人嚶嚶泣塗之人聞而悲之不敢問也玉山主簿流口言曰兵再一日屯此吾將逸矣閱之塗中血盈盈滿路其戎戎若絲而黑者蓋人髮也而雞豕牛馬皮毛被道矣侍御名永芳泉州人蓋言客兵之禍甚於盜寇者如此

前府志

玉虹橋七洞太守陳屬姚聯洞各顏以二字迴環成文聯咄嗟爲額玉虹帶霞環彩波鑑文徹簇香錦溪十四字顛倒讀之云玉帶環波文簇錦虹霞彩鑑徹香溪錦簇文波環

帶玉溪香徹鑑彩霞虹波環帶玉溪香徹鑑彩霞虹錦簇  
文波文簇錦虹霞彩鑑徹香溪玉帶環波文簇錦溪香徹  
鑑彩霞虹玉帶環波環帶玉虹霞彩鑑徹香溪錦簇文太  
守驚服 五雲館錄

八礫及老鼠八仙烏風等洞康熙丙辰恢復之後遺孽竄伏  
其間此玉山北境一險隘也讀彭君天福刊修志序可以  
思患預防 識小錄

信州懷玉山有畫羅漢郡中每迎請禱雨嘗有一二身飛還  
寺中 洞天清錄

輝在玉山見貫休所畫十六羅漢像世傳有三本獨此爲真  
輝未敢爲然貫休初畫古羅漢止十五尊或以爲問乃以  
己貌益之 宋周輝清波雜誌

玉山縣志

卷三十二

雜記

四

東坡在黃嘗柬質夫提刑稱述徐公 軻名云徐令往還齊安屢

接其語笑殊佳士得在治所甚幸甚幸許爲致峽州怪石  
雖非急務然亦爲幽居之尤物也石出歸峽間新灘之下  
扇子峽之上嵌空翠潤有圭璋之質未爲世人所知公始  
遺僕使此石見重於世未必不由吾二人也朱待制跋之  
曰東坡先生謫齊安時身且不容於世而推賢揚善如恐  
不及推其類至於一石之微亦必欲其見重於時而不以  
爲己私玩此其視世之橫呂自營者其心量之廣狹何如  
也徐君之孫得此帖於玉山汪氏 前志

南唐主旣受吳禪改元昇元封女五人一爲玉山公主 吳任

臣十國春秋

晦菴題尤美軒詩卷注稱文定曰上饒尙書程沙隨跋文定

手書仕宦之身二詩稱曰上饒公此由玉山伯進爵上饒侯之確証惜唐魏子未及見耳

識小錄

僞吳玉山主簿朱拯赴選至揚州夢入官署堂上一紫衣正坐旁一綠衣紫衣起揖曰君當以十千錢見與拯拜許諾補安福令既至謁城隍神皆如夢中其神座後屋漏棟壞拯歎曰十千錢豈非此耶葺之費如數

十國春秋拾遺

福勝院元豐八年碑後署右班殿直監酒稅務徐璟因悟晁天咎坐修神宗實錄貶監處信二府酒稅清波雜志直云貶玉山即監玉山酒稅也

識小錄

按東都事畧紹聖初責監蘄信二州酒稅蘄州兩字與无咎本傳互異 錄朱拯徐璟四條補秩官之闕

晁无咎謫玉山過徐州時陳無己廢居里中无咎置酒出小

玉山縣志

卷三十二

雜記

五

姬娉娉舞梁州無已作減字木蘭花无咎歎曰人疑宋開府梅花賦清艷不類其爲人無已此詞過於梅花賦矣宋

張邦基墨莊漫錄

廖正一字明略元祐中召試館職蘓子瞻大竒之紹聖間貶信州玉山監酒稅鬱鬱不得志喪明而沒自號竹林居士

馬端臨經籍考

按黃秦鼂張皆子瞻門下士號四學士待之厚每來必命侍妾朝雲取密雲龍家人以此知之一日又命取密雲龍家人謂是四學士窺之乃明畧來謝也明略軒輕諸公間無所貶屈欲自成一家然其流落不偶略相似葉石林深惜之

黃文德號尚文子汴中人僑居閩之昭武讀書能文爲玉山

縣教官適錢洞雲往廬山道過玉溪文德贈以詩又附寄  
玉山主人崑山顧仲瑛詩顧俠君元詩選

明史載柳都寨巡檢未知裁於何年秩官志乾隆二十年始  
有太平橋巡檢考常山志元年以江山縣仙霞關東山巡  
檢□□常山縣草坪巡檢意以柳都寨巡檢改設太平橋  
當與同時後四年始建署耳識小錄

元筠州無劉秉忠通志誤以遼金瑞州人當之開科始於延  
祐乃有至元大德科觀錢公大昕十駕養新錄而歎志選  
舉之難也倪中本傳云信州人翰林待制其作東嶽忠節  
廟記甚辨皙顧通志失載豈獨龍興路之史雲中熊耀同  
見遺於元統榜哉恨不得借登科錄一證之柯話

答劉允迪書劄跋右得之劉侯之孫觀光今爲浦城尉尉言乃

### 玉山縣志

#### 卷三十二

雜記

六

祖參議公嘗受知文公先生出所藏帖數十皆集所不載

朱子文集

玉泉先生樗學張有篆張無垢從沈元用學汪端明從無垢  
學凡十有二年三公相繼魁多士建炎初玉泉亦登高第

宋張世南游宦紀聞

曾子固之父曾易占南豐人知信州玉山縣坐法失官閒居  
十餘年執政憐之諷令至京師行次洪州樵舍僧寺題詩  
屋壁云今朝才是雪泥乾日薄雲移又作寒家山千里何  
時到溪上梅花正好看是時慶歷七年六月二十日也人  
怪其寫景不侔旣而行次睢陽而卒其子子固載柩還鄉  
過樵舍值臘日雪中梅芳然此詩乃蔡君謨詩易占偶書  
之遂成識云豫章書

按王荆公文集曾易占致堯子子六人聘鞏牟宰布肇  
易占以子貴贈魯國公是子固乃易占子諸志誤以爲  
祖孫今改正

江夢鶴署玉山民受荼毒賴徐通判日高以免夢鶴因中傷  
日高遭謫去江南通志許以道學經濟且謂其在饒玉鉛  
諸邑發奸摘伏政紀肅然亦誣甚矣

柯話

章子平言其祖郇公服除再知玉山縣帶京債八百千赴任  
數豪僧爲償債郇公作詩謝僧僧以石刻流布四方而時  
無貶議者有舉子徐生郇公與之遊嘗過生書於壁曰村  
醪山果簇盃盤措大家風總一般今日相逢非俗客憑君  
莫作長官看

宋魏泰東軒筆錄

端明本縣弓手子喻樗爲尉嘗授諸子學有兵在側言某兒

玉山縣志

卷三十二

雜記

七

頗知讀書可使侍筆研呼視之狀貌偉然問能屬對否曰  
能曰馬蹄踏破青青草應聲曰龍爪拏開白白雲喻大驚  
曰他日必爲偉器留授之學

齊東野語

汪應辰授鎮東軍州判趙鼎爲帥府事悉諮焉歲小旱命應  
辰禱雨名山卽應人曰此相公兩鼎曰乃狀元雨也

本傳

汪玉山知貢舉有一布衣友密語之曰省試程文易義冒子  
中可用三古字其人感喜遂置前列及拆號非其友也來  
謁曰某之就試也假宿富陽寺中見室隙一棺是夕夢一  
女子謂某曰官人赴省試頭場冒子中可用三古字必登  
高科但幸勿忘使妾朽骨早得入土果獲叨濫已往寺中  
葬其女矣玉山驚歎

宋羅大經鶴林玉露

李德遠發解本強則精神折衝賦虎在山而藜藿不採威令

風行金鑄鼎而魑魅不逢奸邪影滅乃全用汪玉溪作黃潛相麻制士人訟之時樊茂實爲侍郎乃云此一聯當初汪內翰用時却未甚當今李解元用此賦方工宋稗類抄德興邑廡石刻二詩有云上官不嗔民乃歡喜上官不富民免辛苦程沙隨跋云上饒公按侯通稱公端明殿汪先生手書於旅舍門人程迥令進賢始於郡中得之而眞蹟不復存

游宦紀聞

周必大曰玉山汪公名重天下得尺牘榮之與余通問皆季路代作當時翰墨已難得平園集

上皇方磬石池水銀浮金鳧魚於上帝過之上皇指示曰水銀正乏此買之汪尙書家帝怒曰汪應辰力言朕建房廊與民爭利乃自販水銀耶時賜發運使史正志緡錢二百

玉山縣志

卷三十二 雜記

八

萬爲均輸和糴之用應辰三上疏論之遂出知平江府然水銀實非買應辰家也綱目

周必大子充莫濟子齊坐繳張說樞密之命皆投閒張說乃露章薦之周得建寧莫得温莫意欲往周遷延不赴喻子才有書言激實生患故東漢有士大夫之禍蓋心以温爲是建爲非汪聖錫報云東漢之患生於激西漢之患生於養方今只患在養不患在激癸辛雜識別集

尤遂初送趙子直帥蜀詩云玉山舊政人誰記應掃棠陰看畫圖原汪公前夢玉山汪端明次日有帥蜀之命校其出處大略相似且俱以四十七歲入蜀其夢玉山持帚相拜故用東坡送周文儒帥梓棠陰之語成都太守自國朝至今皆畫像宋方虛谷瀛奎律髓

湖山鐘樓記嘉定辛巳太府少卿林岳記慶元府府學教授

韓補書

蔣擢湖山事狀

朱子婺源縣學三先生祠記云周侯名師清玉山人好學有文而嘗仕於朝矣其爲此邦寬以撫民禮以待士而所以教誨之者又如此非今之爲吏者所能及

文集

相鶴經湍石喻公所書法度謹嚴意思蕭散

全上

玉泉論語學十卷工部郎官嚴陵喻樗子才撰樗與沈元用張子韶凌彥文樊茂實諸公厚善爲館職坐與張通書得

罪秦檜

直齋書錄解題

汪季路建集古堂藏奇書秘蹟金石遺文二千卷著淳化閣帖辨記十卷

紫桃軒雜綴

沙隨先生嘗蓄一歛研有蔡忠惠題詩後以送汪書季路又

玉山縣志

卷三十二

雜記

九

汪書寓三衢以五千得一研後刻東坡銘二研皆佳物也

游宦紀聞

朱子答玉山門人徐彥章云承喻諄復益見精詣竊謂未發之前固不可謂之無物但便謂性情無二更無虛靜時節則不可耳前日見論語說中破伊川先生孝弟爲仁之本之說正是於情性之際未能分別恐當更加玩味

文集

朱子答華亭林德久云向在玉山道間見徐彥章說離爲龜故卦中言龜處皆有離象此其求之巧矣然頤猶取龜義而無取於離損益則但言其得益之功而義亦不復繫於龜矣今乃不論其所以得益之故以爲求益之方而必窮其龜之所自來亦可謂枉費心力又昨在玉山學中與諸生說話司馬宰道令人錄來當時無人劇談說得不痛快

歸來偶與一朋友說因其未喻反覆曉譬都說得詳盡全

上  
斯遠聞其喪偶不知果然否經年不得書想亦畏僞學行染也朱子與趙昌父書

劉漫塘誌昌父墓云先生在太和便座有齋榜曰思隱蓋當筮仕之初已有山林之思在官清苦唯以賦咏自娛楊公萬里贊云貌恭氣和無月下推敲之勢神清骨聳非山頭瘦苦之容一笑詩成萬象春風厲鶚宋詩紀事

王斗山送疊山北行詩今集不載止載魏天應和疊山先生韻二首蔡正孫和韻一首俱與斗山詩韻同然則斗山亦和疊山韻也明廬陵劉鼎疊山集序雜著詩文六十四卷屢經兵燹存者無幾故留別原作亦佚識小錄

玉山縣志

卷三十二 雜記

十

旭齡先世居玉山父一鴻徙家錢塘仍授徒故里山寇竊發一鴻遇害順治乙酉旭齡往求父屍夜夢父攜示扇所且曰當問之毛廿八旭齡行至魯家倉風雹大作有童子引入茅舍一父老出旭齡曰丈人非毛廿八乎父老驚駭告以故乃指空林間土微掩處恍如夢所見急嚙血沁之解所衣裹骨歸吳顯杭郡詩輯

詹靜夫與子瀚書曰自上章被杖後六月內連接家書知二子皆安此後流言敬之詹軾凶信甚多七月初十日得槐

杏書說敬之杖瘡未愈又兼骨痛十一日接吾子五月二十九日書知敬之眞死矣付回敬之行狀皆平生實事令

人悽愴歸仁家錄

楊大年三十七爲學士夢一道士來謁稱懷玉故人袖出一

誥牒曰內翰加官取閱之榜上草寫三十七字大年夢中驚曰得非數乎道士微笑又曰許加乎道士命筆止添一點爲四十七至其數果卒

宋僧文瑩玉壺清話

按周昂十國春秋拾遺大年在孕一道士諸門刺稱玉山人與東都事略少異又訛作文逸子蓋傳聞之誤又張樞言說楊大年臨卒戒家人吾頂赤跌坐汝輩勿哭驚吾旣而果然家人驚號則復寤而寢遂卒釋教頂赤生天腹赤生人足赤沉滯見江鄰幾雜志不足錄

元趙東山汧休寧人以道學稱有次韻玉瑯雲隱圖詩雲隱者番陽五本善居玉瑯峯之號諸舊志偏遺之欲以補寓賢惜無傳

識小錄

黃龍南禪師手錄四十二章經筆法深穩莊重而瘦得顏平

玉山縣志

卷三十二

雜記

十一

原用筆意

石門文字禪

草齋先生

文信國父

與弟書曰道由玉山遇異僧指長男曰此郎必爲一代之偉人然非一家之福也

文信國紀年錄

史載趙蕃年八十七亦不言兄弟按昌父弟成父號定菴見戴復古二老歌葉水心魚計亭詩鶴林玉露云章泉趙昌甫兄弟俱隱玉山之下蒼顏華髮相從於泉石之間皆年近九十真人間至樂之事亦人間希有之事也

柯話

紹興中縣西七里居民謝七婦不孝飯姑以麥不得飽而自飯白杭是年七月七日婦偶出有遊僧從姑求食姑不敢與俄而婦歸僧徑就求飯婦怒叱之僧求愈切婦咄曰脫汝身上袈裟來換僧卽脫衣授之婦反覆細視戲披於身僧忽不見袈裟變牛皮牢不可脫胸間先生毛一片漸變

四體及頭面其夫走報婦家父母遽至儼然全牛矣 □章  
書

按通志載謝七婦事孟子謂人之異於禽獸幾希又謂  
違禽獸不遠一念之間人禽頓判何待觀地獄變相哉  
存之與祥異志五證

邑西山木茂密時有虎豹潛匿其間乾隆初下葉葉某婦夜  
聞戶外窸窣聲疑有盜起偵之犬周繞其足不令出婦麾  
犬啟戶則虎闖然啣婦去犬力嚙虎尾倒曳之虎前跋後  
蹙不能行乃舍婦而逐犬犬嚙尾不放婦夫喊集村人鳴  
鑼持械登山覓婦犬見人來衆始釋虎虎驚逸 識小錄

天順間信州守金銑會旱制金盤一具步至八礫龍潭捧盤  
默祝此來必求現真龍身少選波湧丈餘水浸公身之半

玉山縣志

卷三十二

雜記

十二

公不懼倏忽有物爪金盤去公謝起行果大雨踰年公以  
覲渡鄱陽湖中附舟有物如捧持者取視即前金盤也舟  
人震懼公朝服謝如常度 前府志拾遺

端平丙申明裡大雷電雨雹詔求直言架閣韓祥疏曰四海  
之人誰無兄弟尊爲元首寧忍忘情宿草荒阡彼獨何辜  
二三臣子勸陛下紹巴陵之後則弗顧請陸下行徐傅之  
誅則弗忍焉知新城 喻濟王竑 冤魄不日夜請命於上帝乎 齊

東野語

汪聖錫代言溫雅有玉山詞草如賜四川宣撫虞允文辭召  
命不允詔云惟汝一德既咨裴度而往釐於今三年復念  
周公之久外賜知紹興府史浩乞宮觀養親不允詔云尹  
茲東夏非徒晝錦之榮循彼南陔益便晨羞之養賜 □□

卿辭左相不允詔云應事機之糾紛大車以載□□俗之變化直道而行民具爾瞻已公論之胥慶帝賚予□豈寵章之敢私賜虞久文辭右相不久詔云以夢旁求孰若驗事功之已試以言晤合孰若察志節之所安賜大將蔣成閔復節鉞詔云不以一眚掩大德既當念功安得壯士守四方豈若求舊除郭振節度使制云不顯亦世尚繼汾陽之休無競惟人孰云充國之老皆可喜也

鶴林玉露

斯遠淹玩衆作凌暴偃蹇情瘦而意潤貌枯而神澤方於西

江宗派斯又過之

葉水心序

中山天使館去迎恩亭一里許儀門上有天澤門三字匾夏子陽題今失去臣等補書其上天妃宮南二一在那霸曰下天妃宮天使館之東大門上書靈應普濟神祠則萬歷

玉山縣志

卷三十二

雜記

十三

三十四年册使夏子陽王士禎所立上天妃宮在久米村嘉靖中册使郭給事汝霖所建天妃堂梁上有靈應普濟神祠之額乃夏子陽王士禎所立也

徐葆光中山傳信錄

趙鹿泉先生唐帽峰詩不泥唐字最有識郎瑛七修類彙今之紗帽即唐之軟巾朝制但用硬盔列於廟堂謂之堂帽對私小而言非唐帽也唐則稱巾耳峯之狀如堂帽形而音訛唐帽若從唐代著筆便令人噴飯

識小錄

方虛谷秋晚雜書詩第九道云鄭圃趙昌父潁川韓仲止二

泉豈不高顧必四靈美

謂趙靈秀紫芝翁舒徐靈淵璣

鹹潮生薑

門蝦蟆以爲旨未若玉山雪空鏑煮荒薺

桐城集

按原志凡十一則其新增凡五十四則皆從唐宋以下書蒐輯得者唯識小錄柯話據目前見聞所述以與正

志相備倣五雲館錄厚畚初稿例

玉山縣志

卷三十二 雜記

十四

卷三十二終